

# Umno berjuang untuk semua: Najib

**S**UNGAI SIPUT: Umno akan terus menjadi sendi dan teras kestabilan untuk rneacu pertumbuhan ekonomi dan kemajuan pesat negara sehingga kesannya dinikmati semua kaum, kata Timbalan Perdana Menteri, Datuk Seri Najib Razak.

Timbalan Presiden Umno itu berkata, negara mengalami proses transformasi yang besar dengan Umno sebagai parti tonggak yang mempunyai tanggungjawab besar bagi menjamin pertumbuhan ekonomi negara.

"Kerajaan pimpinan Umno akan terus komited memastikan pertum-

buhan tidak kurang dari enam peratus setiap tahun yang 'harus dicapai sehingga 2020," katanya berucap pada jamuan malam Siraman Budi anjuran Umno Bahagian Sungai Siput di sini, malam tadi.

Najib berkata, apabila negara dapat menjana pertumbuhan ekonomi yang rancak, semua pihak akan dapat mengecapi dan berkongsi hikmatnya.

Justeru, katanya, menjadi kepentingan semua: anggota dalam Barisan Nasional (BN) yang terdiri pelbagai kaum untuk berpendirian teguh bagi melihat Umno terus kuat dan stabil.

'Apabila apabila Umno teguh, disegani

dan dihormati, maka semua kaum boleh bergantung kepada parti itu sebagai tonggak kekuatan negara," katanya.

Terdahulu, Menteri Besar, Datuk Seri Mohd Tajol Rosli Ghazali berkata falsafah perjuangan Umno, ialah memastikan rakyat negara ini hidup rukun, damai dan mendapat keadilan sama rata menerusi perkongsian kuasa politik.

Katanya, walaupun pencapaian negara pada peringkat dunia sudah boleh dibanggakan, Umno masih mempunyai tanggungjawab berat untuk memartabatkan Melayu di dalam negara dan pada peringkat global.

Beliau berkata, walaupun zaman berubah dengan pemimpin saling berganti sejak zaman Tunku Abdul Rahman sehinggalah ke Tun Abdul Razak, Tun Hussein Onn, Tun Dr Mahathir Mohamad dan kini Datuk Seri Abdullah Ahmad Badawi, konsep perkongsian kuaSa itu terus menjadi amalan.

"Kematangan usia Umno harus seiring kematangan anggota dalam semua aspek. Sepanjang hayat, Umno berupaya mempertahankan kedudukan dan kedaulatan orang Melayu sekali gus meletakkan Malaysia sebagai negara yang dihormati," katanya.